

EUSKARA. Egitasmoaren bidez aurre egin nahi diete herri txikietan taldeak osatzeko zailtasunei

Autoikaskuntza gela jarri dute abian Astigarragako Udalak eta AEK-k

Helduen
euskalduntzerako
«tresna malgu, arin
eta irekia» da

Eider Goenaga | DONOSTIA

Hizkuntzaren irakaspenean teknologia berriak baliatzeko tresna berria aurkeztu zuten, atzo, AEK koordinakundeak eta Astigarragako Udalak: Ikasgel@ egitasmoa. Bien elkarlanetik eta HABEren laguntzaz sortutako autoikasketa gela da, eta Astigarraga izango da ekimenen aitzindari. Aurkezpenean, Eli Larburu Astigarragako alkatea, Jokin Azkue HABEko zuzendaria, Andoni Tolosa Ikasgel@-ko zuzendaria eta Joxe Leon Otaño AEKko koordinatzaile nagusia izan ziren.

«Helduen euskalduntze eta alfabetatzearen beharrei egokitutako egitasmo» gisa definitu zuten bultzatzaileek proiektua, erabiltzaileari malgutasuna emango baitio, ikasketa prozesua komeni zaion bezala antolatzeke. Autoikaskuntza gelak izaera «malgu, arin, zabal eta irekia» izango du, ikasleak lan ordutegia eta programa finkatzeko.

Bestetik, tutore batek aurrerapenen gaineko jarraipena egingo du. «Ikasle bakoitzari haren beharrei egokitutako errezeta propioa ematen saiatuko gara», esan zuen Tolosak.

Ordenadorez betetako multimedia gela bat izango dute eskura ikasleek; eta han egingo dute lan. Ordenadoreekin lan egiteko HABE sortutako Hezi-



JON URBE / ARGAZKI PRESS

Ikasleek beren kabuz egingo dituzte ikasketak, ordenagailuaren bidez eta tutore baten laguntzarekin.

net programa erabiliko da. Programa sinplea da, eta informatikaz asko ez dakienak ere erabili ahal izango du. Osagarri gisa Mediateka deitzen dutena izango dute; eta handik eskuratu ahal izango dituzte ikasleek behar dituzten materialak: hitzegiak, hainbat metodologia didaktiko, audio eta bideo materialak, jolasak, irakurgaiak...

Astigarraga aukeratzeak badu bere zioa. Batetik, urtetan Udalarekin egindako elkarlana; bestetik, egitasmoa herri txikietan aplikatzearen beharra. Izan ere, Otaño eta Larburuk adierazi zuten herri txikietan arazoak izan ohi direla taldeak osatzeko, ordutegiekin zailtasunak izaten dituztela. «Horrekin, baina, denbora faltaren aitzakiak

ERABILERA

Kalean %28,55eko erabilera Astigarragan

Eli Larburu alkateak «larritzeko datuak» eman zituen atzo, euskararen erabilaren inguruan. Azken kale neurketak dio herritarren %28,55ek bakarrik erabiltzen dutela euskara.

ez du balioko», gaineratu zuen Astigarragako alkateak.

Hizketarako parada

Ikasgel@ egitasmoak, hala ere, ez du soilik teoria, hiztegia eta gramatika ikasteko tresna izan nahi. Hizkuntza bat ikasteko

ezinbesteko diren mintza praktikak ere bermatuko dira autoikaskuntza gelarekin batera.

Horretan, tutoreak garrantzia izango du; baina tresna garrantzitsuenak Hitzkide egitasmoa izango da. Euskara eguneroko hizkuntza dutenak eta ikasten ari direnak kontaktuan jartzea da helburua. «Herritar orok aukera izango du bertan parte hartzeko, eurek ezagutzen duten alorrean: hitz eginez. Hitzkide kanpaina luzera begirako kanpaina da, eta helburua ikasleentzat mintza lagunak bilatzea da», argitu zuen Tolosak.

Hamabost ikaslerentzako lekua izango dute aurrean Ikasgel@-n, eta emaitzen arabera, zabaldu edo murriztuko dute eskaintza.

tekeela esateko, lurralde horretan bi hizkuntza ofizial baldin badaude», gaineratu zuen Jaurilaritzako ordezkariak.

Eskuduntza osoa

Ildo horretan, Justizia Administrazioa langileen gaineko eskuduntza osoa eskatu zuen De Miguelek Euskal Autonomia Erkidegoarentzat. «Horrek ahalbidetuko baitu langileak gaitasun linguistikoaren arabera mugitzea, leku batera edo bestera».

De Miguelek Bilboko Abokatuaren Eskolak antolatutako jardunaldi batzuetan egin zituen adierazpen horiek.

HEZKUNTZA

Hezkuntza Sailak irakasleen eskaerei ez diela erantzun salatu dute sindikatuek

Erredakzioa | GASTEIZ

Irakaskuntza publiko ez unibertsitarioaren Alorreko Mahaiak bilera egin zuen atzo Lakuan, eta ELA, STEE-EILAS, LAB, CCOO eta UGT sindikatuek salatu zuten, Hezkuntza Sailak ez zien «behar bezala erantzun sektoreak egonkortasunaren eta enpleguaren inguruan egindako eskaerei». Sindikatuek eta Jaurilaritzak bilera egin zuten Lan Eskaintza Publikoa, langileen egonkortasuna eta Lan Hitzarmena aztertzeke asmoz.

Sindikatuek prentsa ohar baten bidez adierazi zuten, enpleguaren sorruntza, egonkortasuna, lanorduen murrizketa eta erretiro aurreratua bezalako gaiak «erantzun pozgarriak ez ziren eman» Hezkuntza Sailak. Haien arabera, Eusko Jaurilaritzak Hezkuntza Sistemaren Kudeaketa Integrala baino ez zuen aurkeztu, «egungo arazoak konpontzeko epeak luzatuz, eta irakasleen beharrei irtenbiderik eman gabe».

Bestalde, Hezkuntza sailak iragan abenduan iragarri legez, Lan Eskaintza Publikoa aurtengo uztailean egingo duela berretsi zuten atzo sindikatuei, eta LEParan alor teknikoak hilaren 29an egingo den Antolaketa Batzorde Teknikoan aztertuko direla adierazi zuten. ELA, LAB, CCOO, EILAS eta UGTren arabera eskaintza hori «eskasa» da.

Akordioaren zirriborroa otsailaren 13rako

Hala ere, sindikatuek egin «presioak» eta mobilizazioak medio, lorpenak erdietsi dituztela azpimarratu zuten sindikatuek. Izan ere, Hezkuntza Sailak konpromisoa hartu zuen datorren otsailaren 13rako Akordio Arautzailearen zirriborroa aurkezteko. 1998koa berritzeko.

Gauzak horrela, sindikatuek iragarri zuten aurrerantzean «tentsioak eta mobilizazioak» nagusituko direla, eta era berean, presio neurriak har ditzaketela jakinarazi zuten.

Euskara soilik meritu gisa kontuan hartzea kritikatu du Eusko Jaurilaritzak

Agentziak | BILBO

Autonomia Erkidegoko hizkuntzak —eta horien barruan euskara— soilik meritu gisa kontuan hartzea kritikatu zuten, atzo, Eusko Jaurilaritzako Justizia Harremanetarako zuzendari Inmakulada de Miguelek. Haren arabera, zerbitzu publikoa bera kaltetzen du euskarari balio hori emateak.

De Miguelek arabera, horrek eragiten du epaileak soilik lanerako leku hobea bilatzeko

euskalduntzea, herri txikiaren kaltetan; hain zuzen ere, horiek baitira euskara gehien erabiltzen duten herriak. «Oraingoz, hizkuntza autonomikoak meritu gisa baloratzen dira soilik; eta funtzionario askok euren bide administratiboari begira ikasten dute, eskaini beharreko zerbitzuari erreparatu beharrean».

Ildo horretan, De Miguelek adierazi zuen Bilbo eta Barakaldo direla euskalduntutako funtzionario kopuru handiena du-

ten herriak, «Tolosa, Bergara edo Durango bezalako herrien aurretik». Haren arabera, horrek agerian uzten du funtzionario asko euskalduntzea soilik destino aldaketa on bat eskuratzeko. De Miguelek hori egitea «zilegi» dela adierazi zuen: «Baina, jokabide horiek eragiten dute zerbitzu publikoa baztertuta gelditzea».

«Hizkuntza normalkuntzari dagokionean, ez dago inolako argudiorik Justizia Administrazioa salbuespen gisa hartu dai-